

2016

Wiesneus

Met leuke
doeven-moppen
van Dolf en Thea



met raadsels -gedichies
een verhaal over een handtie
een kleurplaat - mooie liedties
een heel apart recept
en nog veel meer

Puzzel met
en win een tablet!

En dat allemaal in het Drents!

Hallo jongens en meisjes,

Ze zeggen dat de tijd vliegt. En dat klopt volgens mij wel. Het is al weer een jaar geleden dat de vorige *Wiesneus* - die van 2015 - aan jullie aangeboden werd. En dat voelt als de dag van gisteren.

De *Wiesneus 2015* had alles te maken met vriendschap en liefde. In deze van 2016 kun je over nogal wat vreemde dingen lezen. Wat te denken van een hondje dat kan kraaien als een haan, kan loeien als een koe en kan sissen als een slang. Cake in een kopje vind ik persoonlijk ook nogal raar. Ik heb zoiets tenminste nog nooit gebakken. Hopelijk kunnen jullie het wel. Gratis naar een concert van Mooi Wark? In het verhaal *Mooi wark* gebeurt het zo maar. Toch ook wel apart. Bijzondere liedjes staan ook in deze *Wiesneus*. Dat is natuurlijk niet vreemd, maar misschien kun je er zelf met je juf of meester wel een vreemde draai aan geven. Och, ik ga alles niet opnoemen. Er is gewoon voor elk wat wils. Denken jullie ook even aan het insturen van de kleurplaat en de oplossingen van de puzzels? Voor de winnaars zijn er weer mooie prijzen! In elk geval hoop ik dat jullie zullen genieten van deze *Wiesneus 2016*. Eerlijk gezegd zou ik het een beetje vreemd vinden, als jullie dat niet doen.

Jan Germs, directeur van het Huus van de Taol

HUUS VAN DE
TAOL

Dizze Wiesneus is maakt mit geld van Drentse gemienten en de provincie Drenthe.

Inhold

Daansen in de klas	3
Rambamboelie	4
Puzzel	8
Rebus	9
Kleurplaat	10
Mooi wark	11
Waar bint toch de Boetelbossies?	12
Abu Dhabi	12
Zoekplaatie	13
Jamero	14
Wiesneus.nl	15
Woj ok een koppie cake?	16

Redactie

Natascha Stenvert

Hermien Haar

Alja Kiers

Jan Germs



Postbus 163, 9410 AD Beilen.


Raadhuisplein 1, 9411 NB Beilen.

Tillefoon [0593] 37 10 10.

E-mail: info@huusvandetaol.nl

Internet: www.huusvandetaol.nl





Daansen in de klas

Hier zit ik dan op vrijdag
Ik kiek de klas wat rond
Ik wil zo graag bewegen
't Kriebelt in mien kont

De middag is het slimste
We knapt haost uut mekaor
Wij kunt niet langer wachten
Wanneer biw nou klaor?

Weg met sommen en gien dictee
Vandaag is mister een DJ

Refrein

Daansen, daansen, daansen in de klas
Daansen, daansen, daansen in de klas
Daansen, daansen, daansen in de klas
Leer mij die 'move', leer mij die passen
Laot mij daansen, daansen in de klas



© Jet de Wilde

Maor dan lacht mister langzaam
En kek wat laconiek
Hie röp: 'Het is nou disco!'
En dan heur wij muziek

Van schoefeln tot an techno
Van breakdance tot an jazz
De vrijdagmiddagdisco
Die broest hier deur de klas

Weg met sommen en gien dictee
Vandaag is mister een DJ

refrein

*disco, straotdaans
samba, breakdance
hiphop, jazzballet*

Weg met sommen en gien dictee
Vandaag is mister een DJ

refrein

The musical score is written in G major and 4/4 time. It includes the following lyrics and musical notation:

Hier zit ik dan op vrij - dag ik kiek de klas wat rond ik
 wil zo graag be - we - gen t Krie - belt in mien kont De
 Weg met som - men en gien dic - - - tee Van -
 daog is mis - ter een D J drumfill
 Daan - sen daan - sen daan - sen in de klas Daan - sen daan - sen daan -
 sen in de klas Daan - sen daan - sen daan - sen in de klas
 Leer mij die move, leer mij die pas - sen Laot mij daan - sen, daan -
 sen in de klas



Rambamboelie



Dit is het verhaal van Rambamboelie,
Een grappig klein hondtie waar iederien gek op was.
Want hij was niet allent grappig en klein,
hij blafte ok zo grappig.
'Waf, waf, waf', blafte hij
En zoas hij 'waf, waf, waf' blafte,
blafte gien ien aander hondtie.

Elke mörgen wandelde hij met zien vrouwgie in het park
En elke mörgen vreugen de mèensen die ze tegenkwamen:
'Blaf, Rambamboelie, blaf.'
'Waf, waf, waf', blafte hij dan bliede.
En de mèensen lachten en zeden:
'O, o, wat een grappig klein hondtie.'

Maor toen kwam die rare dag.
Gienien wus dat het een rare dag worden zul,
dus reupen de mèensen zoas ze altied deden
as ze het vrouwgie met heur hondtie zagen:
'Blaf, Rambamboelie, blaf!'
En Rambamboelie keek ze an en dee zien bekkie lös.
Maor wat heurden ze . . .

'Miauw', schruk iederien,
'Hij zee miauw!'
'O, o, wat een ellende', jammerde het vrouwgie.
En ze pakt Rambamboelie op en leup hard naor de dokter.
Potverdriedubbele sukerklonten', zee de dokter,
'een hondtie dat miauwt, vrömd.
Maor gien paniek, daor heb ik een pillegie veur.'
En Rambamboelie mus zien bekkie lösdoen
en een pillegie deursloeken.
'En dat is dat', zee de dokter, 'je hondtie is weer beter.'
'Echt waar?' vreug het vrouwgie.
'Echt waar', zee de dokter.

Dolgelukkig gung het vrouwgie met heur hondtie hen boeten.
Daor stunden alle mèensen nog, want ze wolden wal ies weten
of dat grappige kleine hondtie weer blaffen kun.
'Is hij beter?' vreugen ze.
En het vrouwgie nikte.
Dus reupen ze: 'Blaf, Rambamboelie, blaf!'



En Rambamboelie keek ze an en dee zien bekkie lös.
En wat heurden ze... 'Kukeleku!'

'Beter?' reupen de mèensen. 'Niks beter!
'Nou kreit hij as een haan.'
'O, o, wat een ellende', jammerde het vrouwgjie.
En ze pakte Rambamboelie op en gung weer naar de dokter.


'Dokter', zee ze, en ze reerde haost,
'nou kreit hij as een haan.'
'Potverdriedubbele sukerklonten', zee de dokter.
'een hondtie dat kreit, vrömd.
Maor gien paniek, dan möt hij een draankie hebben.'



En Rambamboelie mus zien bekkie lös doen
en een draankie deursloeken.
'En dat is dat', zee de dokter.
'je hondtie is beter.'
'Echt waar?' vreug het vrouwgjie.
'Echt waar', zee de dokter.

Boeten stunden de mèensen te wachten en ze klaptten toen ze
het vrouwgjie met heur hondtie zagen.


'Is hij nou beter?' vreugen ze.
Het vrouwgjie nikte.
Dus reupen ze:
'Blaf Rambamboelie, blaf!
En Rambamboelie keek ze an en dee zien bekkie lös.
En wat heurden ze... 'Sssssssssssssss!'



'Beter?' reupen de mèensen. 'Niks beter!
'Nou sist hij as een slang.'
'O, o, wat een ellende', jammerde het vrouwgjie.
En ze pakte Rambamboelie op en gung weer naar de dokter.

'Dokter', zee ze kwaod,
'mien hondtie is hielemaal niet beter.
Eerst miauwde hij as een kat,
toen kreide hij as een haan
en nou...'
'Ja, zeg het maor', zee de dokter.
'Nou sist hij as een slang',
reerde het vrouwgjie.

'Potverdriedubbele sukerklonten.'
zee de dokter,
'een hondtie dat sist, hiel vrömd.



Maor gien paniek, dan krig hij een prikkie.
En de dokter gaf Rambamboelie een prikkie.
'En dat is dat', lachte hij tevreden.
'Nou is je hondtie beter.'
'Echt waar?' vreug het vrouwgie.
'Echt waar', zee de dokter.


Alle mèensen klaptten weer toen ze het vrouwgie met heur hondtie hen boeten kommen zagen.
Veul meer mèensen waren der nou,
want het hiele dorp har heurd van Rambamboelie.
Die miauwde as een kat, kreide as een haan en siste as een slang.
En ze reupen: 'Blaf, Rambamboelie, blaf!'
En Rambamboelie keek ze an en dee zien bekkie lös.
En wat heurden ze... 'Boeoeoeoeoe!'

'Beter?' reup iederien, 'niks beter!
Nou loeit hij as een koe.'
'O, o, wat een ellende', jammerde het vrouwgie.
En ze gung weer hen de dokter.

'Dokter', snukte ze,
'weej waj bint?'
'Nee, mevrouwgie', zee de dokter, 'zeg het maor.'
En het vrouwgie keek hum hiel kwaod an en reup:
'le bint een hiel stomme dokter,
want een pillegie, een draankie en een prikkie:
het helpt allemaol niks!'

'Niks?' vreug de dokter. 'Hoezo niks?
Miauwht hij nog as een kat?
Kreit hij nog as een haan?
Sist hij nog as een slang?'
'Nee', zee het vrouwgie.
'Mooi zo', lachte de dokter, 'dan is e beter.'
'Niks beter', reerde het vrouwgie,
'nou loeit hij als een koe.'

'Potverdriedubbele sukerklonten', reup de dokter,
'loeit hij as een koe?
Vrömd. Laot mij ies even naodenken.'
En hij krabde zuch op de kop,
kneep zien ogen dicht,
hoestte een paar keer van 'ahum ahum'
en reup toen:
'Ik heb het!'



En hij gaf Rambamboelie:
een pillegie
een draankie
én een prikkie.
'Alle drei tegelijk, dat is 't', zee hij tevreden.
'Je hondtie is nou echt beter!'



Maor het vrouwgje geleufde hum niet meer
en verdrietig gung ze met heur hondtie hen boeten.

Daor stunden de mèensen nog aal te wachten.
Hiel stil waren ze nou.
Ze durfden niks meer te vraogen.
'De dokter zeg dat e beter is', zee het vrouwgje zachies.
Het bleef stil.



'Echt waar', zee ze nog zachter.
Maor gienien geleufde heur.
Toen, en ie mussen hiel goed lustern um het te heuren,
zee een klein jonkie:
'Toe, Rambamboelie, blaf!'

En Rambamboelie keek naor het vrouwgje.
Toen naor het jonkie.
En op 't lest naor alle mèensen.
En toen pas dee hij zien bekkie lös:
En wat heurden ze . . .


'Waf, waf, waf!'

(IN HET DRENTS VERTAALD DOOR ANS KLOK)



Kruiswoordraadsel

Win een tablet!! 



Van links naar rechts

2. Varken
4. Aj hum kepot sniedt goaj renen
9. Een kleine bal
10. Het hunebed is hiervan maakt
11. Ie kunt der op voetballen
13. Het bint gien taanden
14. Gef oons wol en zeg bèèè
16. Dikste vinger an de haand

Naor beneden

1. Woont in een hollegie onder de grond
2. Dit doe aj 't hiel warm hebt
3. Lang, rond en van holt
5. Aj rood en blauw mengt kriej dizze kleur
6. Dit vier ie ien keer per jaor
7. Je lichaam
8. 365 dagen
9. Bi'j neudig aj verkolden bint
12. Hef bienen en manen
15. Greuit op oen heufd

Zuuk de letters uut de genummerde hokkies (van 17 t/m 27) bij mekare en ie hebt een mooie zin!

Oplossingen (vermeld naam, adres, leeftijd en de schoele waor aj op zit) veur 20 april 2016 sturen naor:

info@huusvandetaol.nl. Of via de post naor Huus van de Taol / Postbus 163 / 9410 AD Beilen. Dan mut der wel een postzegel op! **Onder de goeie inzendings verloot wij een tablet!!**



Rebus



De oplossing is:

Mit dizze rebus kuj een mooie prijs winnen!

Stuur de zin veur 20 april 2016 op via e-mail naor info@huusvandetaol.nl

Schrief daorbij oen naam, adres, de schoele waar aj op zit en oen leeftied.

Via de post mag ok: Huus van de Taol, Postbus 163, 9410 AD Beilen. Maar dan mut der wel een postzegel op!

Op oonze website (www.huusvandetaol.nl) zulle wij de priewinnaars bekend maken.





© NATASCHA STENVERT

Kleur de plaat en stuur hum op naar: Huus van de Taol, Postbus 163, 9410 AD Beilen.
Der mut wel een postzegel op.
Mit dizze kleurplaat kuj een mooie pries winnen!



Mooi wark

Vrijdag begunt het zomerfeest in het dörp. Al wekenlang is het 's aovends drok. Bij oes in de straot gaot ze een boog bouwen. Maar daor doe ik niet an met. Ik mut hard warken um geld te sparen. Want Mooi Wark komp in de feesttent. 'Wat een stomme groep, wie giet daor nou hen', zee Natasja, mien vriendin. 'Wat vin jij dan een goeie groep. . .?' vreug ik an Natasja.

Dat wus ze niet.

'Ik kies ieder half jaar veur een neie groep. Dan blief je in elk geval bij en loop je niet zo hopeloos achter as jij. Wie wil der nou naor Mooi Wark . . . laot mij niet lachen.' Nou, ik wil der hen, maar ik kan niet. Ik heb gien geld meer. Al mien spaargeld mus ik uitgeven an een neie binnenbaand. An een fiets met een lekke band hej niks. En van mamme krieg ik gien extra zakcenten. Oma gaf mij een tas vol met lege flessen. Hol jij het statiegeld mar. Dat was makkelijk verdiend. Mar opa leut mij der hard veur warken. Man, man wat mus ik zwieten. Ik heb het hiele grösveld veur zien boerderij meid. Het leverde wel mooi twee euro op! Vandaag is het vrijdag.



Een kaartie veur Mooi Wark kost zeuventien en een halve euro! Veuls te veul!


Een gewone vent kan dat toch niet bij mekaar sparen. Ik heb tien euro verdiend mar het is te min um de tent in te kommen. Ik luuster wel naor de muziek deur het doek van de tent hen. Zij maakt toch lawaai genog. Hans en Alex, mien vrienden, staot in de rij bij de ingang. Zij hebt wel kaarties en trots zweit ze dermet naor mij. Opiens stiet Natasja naost mij. 'Ik hol niet van Mooi Wark,' zeg ze, 'ik hol meer van breakdance. Maar jij wilt der toch graag in? Gao mar achter mij an.' De tent had ien grote ingang. En achteran was een deurgang veur noodgevallen. Der stund een man in uniform bij. 'Kruup hier maar stiekem naor binnen, dan staot zo veuran bij het teniel,' zee hij. Natasja greep mij bij de haand en veurdat ik het wus, stund ik in de tent veur het podium van Mooi Wark.

'Hoe kan dat nou?' vreug ik verbaosd. 'Oeze buurman is bij de reservepolitie. Die hef oes der in hölpen. Mar nou mut ik wel samen met jou naor die griezels van Mooi Wark kieken . . . wat een pech!' lachte zij.

De gitaren gierden keihard deur de tent! De drummer gaf prachtige roffels. En de lichten flikkerden in allerlei kleuren. Machtig wat een mooie show. Ik keek mij de ogen uut en ik kun niet stil zitten. Mar ik niet allent. Vanof de eerste tonen van de muziek daanste Natasja met elk nummer met. Het zwiet op het veurheufd. Zul zij echt niet van Mooi Wark holden? Ik maakte een toeter van mien haanden en huul die bij heur oor. 'Breakdance is toch hiel wat mooier as dit stomme boerengedoe hè!' schrouwde ik. Gelukkig kun zij mij niet verstaon met alle herrie.

Waar bint toch de Boetelbossies?

De Boetelbossies bint vandaag wat ziek
Ze loopt te hoesten en te snuten
Der is gien buusdoek meer in huus
Gieniene kan naor buten



De Boetelbossies bint vandaag zó ziek
De koorts wil maor niet zakken
Der is gien drinken meer in huus
Leeg bint alle pakken

De Boetelbossies bint vandaag nóg ziek
Ze loopt nog aal te proesten en te snuten
Gien kees of stoet is meer in huus
Wie mot er nou naor buten?

De Boetelbossies bint echt aordig ziek
Ze komt niet uut de bedden
Der is gien krummel meer in huus
Ik moet de Boetelbossies redden

Ik gao wal naor de Jumbo hen
Mien mandtie an mien fietsie
Ik slinger hen en weer den
't Is te zwaar, een ietsiepietsie

Veer pakken sap, een stoet en melk
En broestablet en asperien
leslollies, twee veur elk
Zie wordt beter, dat zij zien

De Boetelbossies bint weer best
Zie bint almaol weer op de bien
Nou lig ik in bedde en bin ziek
Vin ie dat nou niet gemien?

Miny Hofsteenge

Abu Dhabi

In Abu Dhabi in 't verre oosten
Woont een jonggie, Jan Willem Joosten
Hij leert op schoel Engels vanzelf
One, two, three en twaalf is twelwe.

Nou komp e logeren, het vliegtuug landt
Op Schiphol staot opa en oma oet Nederland.

Hij kreg pankoeken en lekkere friet
Dat hebt ze daor in Abu Dhabi niet

Hij giet met opa en oma overal hen
Oma zeg, 't gef niks da'k je verwen
In Plopsaland daor is het fijn
En mörgen hen Meppel met de trein

Opa vrag, alles waj hier ziet
Dat hebt ze vast in Abu Dhabi niet

Naor Emmen hen Wildlands met de krokodillen
En opa vrag: 'Wat zulden ie graag willen?
Een ijsco met neuties of ien met sukkelao?'
Dan kreg e ok nog sap en cola nao
Hij legt een appel in een eulifantenslurf
Spannend heur, Jan Willem hef wal durf

De volgende dag regent het dat 't giet
Dat hebt ze daor in Abu Dhabi niet

Aal jaor komp Jan Willem Joosten weer
Dan zeg e: 'Good bye, tot de volgende keer.
Het was fun, ik heb nou verdriet
Zo mooi as hier, is 't in Abu Dhabi niet.'

Schriever onbekend





- Boks
- Stevens
- Slik
- Siepel
- Schaap
- Wichie
- Vullegie
- Poppie
- Doempie
- Knien
- Holt
- Biel
- Puut
- Krummel
- Wiesneus
- Kuken
- Priegeltie
- Scheuvels
- Iegelkaor
- Pismieger
- Moes
- Neefie
- Smokkie
- Mieghummel
- Kniepertie
- Knikkerbuul
- Bakstienen
- Straotlanteern

Probeer alle woorden te vinden in de zoekplaat.

© NATASCHA STENVERT

Jamero

Zo maor op maandag
Jamero oet Afrika
Komp langs in oeze klas
Hij hef hiel veul trommels
Een djembé, een bongo
In een grote broene tas
Hij speelt
Zo mooi, zo mooi, wohowoho

refrein


Jamero met zien djembé
Weer t'rug naor Senegal
Ik wil wal naor hum toe
Veur een djembéfestival

Jamero en zien djembé
Wet niet dat ik veur hum val
Ik vuul een soort heimwee
En heur zien ritmes overal

Hij is drok an 't speulen
Op zien mooie djembé
En hef zien ogen dicht
Ik blief naor hum kienen
Zowat bin'k betoverd
Deur zien mooie broene gezicht

Hij speelt
zo mooi, zo mooi, wohowoho

refrein



© Jet de Wilde

The musical score is written in G major and 4/4 time. It consists of seven staves of music with lyrics underneath. The lyrics are: Zo maor op maon-dag Ja - me-ro oet A - fri - ka Komp langs in oe - ze klas Hij hef hiel veul trom mels Een djem - bé een bon-go In een gro te broe - ne tas Hij speelt Zo mooi zo mooi wo ho wo ho Ja - me-ro met zien djem - be' weer t'rug naor Se ne gal ik wil wal naor hum toe veur een djem - bé - fes - ti - val Ja me-ro met zien djem bé wet niet dat ik veur hum val ik vuul een soort heim - wee en heur zien rit - mes o - ver - al



Scan de qr-code en bekijk een filmpie op YouTube



Je bent nu hier [Start](#) > [Verhaal](#)

Wat wij zien?





Filmpie

Verhaal

Liedtie

Gedichie

Zuuk hier jouw verhaal



**Vanof 13 april: www.wiesneus.nl
Een hieleboel Drents veur kinder en veur groten!**



Woj ok een koppie cake?

Wat bi'j neudig:

- 3 eetlepels zelfrijzend bakmeel
 - 2 theelepels suker/hönnig/zuutstof
 - 1 ei
 - 3 eetlepels melk (of vruchtensap)
 - 2 eetlepels olie of smölten botter
-
- Doe alles in een grote mok en reur het deur mekaar. De mok mag niet vol wezen! Een stukkie boven de helft, niet wieder! In de magnetron giet de cake nog riefen.
 - Zet de mok in de magnetron en bak hum in de hoogste stand in 1,5 minuut gaar.
 - De bovenkaant mut nog een beetie nat wezen, want de cake gaart nog even nao. Laot hum dus nog 5 minuten staon.
 - Hiel lekker mit een toefie slagroom!
 - Ie kunt der ok vruchies deur hen doen! Mmmmm!

